

1 Intent

- La vischnaunca politica da Laax ei proprietaria dalla casa da scola Grava, ella ei responsabla per l'administraziun ed il menaschi da quella.
- La casa da scola Grava ei destinada en emprema lingia pil diever dil Consorzi da scola, dalla populaziun e dallas uniuns localas. Plinavon ein l'aula e ses locals annexs denton a disposiziun era a tuts utilisaders tenor descripziun dallas gruppas d'utilisaders.
- Per occurrenz commercialas ell'aula drova ei ina lubientscha dalla suprastanza communal. In [formular da damonda](#) ei a disposiziun silla pagina d'internet. Ils termins indicai el carnet d'occurrenz dalla Fundaziun Pro Laax ha la suprastanza communal lubiu. Els ston denton aunc vegnir reservai, sur il tool da reservaziun, ella pagina d'internet dalla vischnaunca da Laax.
- L'administraziun resalva da pusseivladad da refusar la reservaziun senza motivaziun.
- Igl ei obligatoric d'indicar ella reservaziun il motiv dil diever.

2 Dretg d'utilisaziun / gruppas d'utilisaziun

Ei vegn differenziau denter las suandontas gruppas d'utilisaziun (GU):

- **GU 0 | Consorzi:** Consorzi da scola LFSS [per intents ideals*](#)
- **GU 1:** Uniuns, fundaziuns ed instituziuns che han lur sedia ella vischnaunca da Laax e che drovan las localitads ed ils indrezs [per intents ideals*](#); sco era tuttas corporaziuns dalla proprietaria.
- **GU 2:** Privats indigens, hotellaria e gastronomia sco era firmas cun sedia ella vischnaunca da Laax, possessurs da habitaziuns secundaras dalla vischnaunca da Laax sco era condominis en vischnaunca che drovan las localitads [per intents ideals*](#).
- **GU 3:** Persunas privatas d'ordeifer vischnaunca, uniuns, instituziuns, fundaziuns, societads semplas, ,firmas singulas, gastronomia e hotellaria d'ordeifer vischnaunca, societads commercialas e cooperativas che drovan localitads ed implonts [per intents ideals*](#).
- **GU 4:** Utilisaziuns commercialas ed utilisaziuns publicas da tuts geners che pretendan ina lubientscha anticipada dalla suprastanza communal. Quellas han [negins intents ideals resp. mo indirects**](#). Sco era tuttas autras utilisaziuns buca menziunadas ellas gruppas GU 1 – 3.

*intents ideals:

Emprovas da musica, sault e da chors, purschidas da moviment (p. ex. yoga), occurrenz da cultura buca commercialas, cuors, scolaziuns, fiastas d'uniuns, sesidas e radunonzas da commeebers sco era occurrenz privatas (nozzas, anniversaris, pasts da bara eav.).

**intents buca-ideals ni mo indirect ideals ein:

Concerts, teaters, seras da lotto, festivitads grondas, occurrenz da sault, exposiziuns, occurrenz politicas, occurrenz da fatschentas.

3 Affittaziun e reservaziun

L'aula e sias localitads annexas ein a disposiziun per regla ils suandonts temps:

Luverdis (gliendisdis – venderdis):

- **Ad uras:** mo per la GU 0
(duront il menaschi da scola)
Duront il di GLI, MA, GI, VE; 07:00 – 17:00.
Duront il di ME; 07:00 – 12:00.
- **Mezs dis:** per GU 1 + 2
(mintgamai per 6 uras)
la sera; 18:00 – 24:00.

Fins d'jamna (sonda + dumengia):

- **Affittaziun a dis:** per tuttas GU:
mintgamai dallas 10:00 – 24:00.
- **Affittaziun mezs dis:** per tuttas GU
(mintgamai per 6 uras)
u
duront il di; 11:00 – 17:00, ni
la sera; 18:00 – 24:00.
- **Repetidamein mintga quartal**
(sulettamein blocs dalla sera):
Per GU 1 – 3,
mintgamai per tochen 6 uras;
per reservaziuns singulas; max. 10 gadas.

Ulteriur:

- Reservaziuns ein pusseivlas exclusivamein sur la pagina d'internet www.laax-gr.ch | cul link silla [plattafuorma da reservaziuns](#).
- Ils [plans dil mobigliar](#) ein disponibels online. Ils prezis ein indicai el [catalog dallas taxas](#). (alla fin dil document)
- L'aula vegn buca affittada a persunas ch'ei pli giuvnas che 18 onns.
- La conferma dalla reservaziun ed il quen vegnan tarmess cun e-mail. (incl. cuosts da schubergiar).



- Per GU 0, 1 + 2 (intents ideals / senza consumaziun) surdat e pren l'administraziun dalla casa resp. la squadra dil pedel buca giu gl'object. (mira punct 8 dil regulativ).
- D'occurrentas cun intents buca-ideals ni indirect ideals, per GU 3 + 4, sco era per occurrenz cun consumaziun surdat l'administraziun dalla casa resp. il team dil pedel gl'object e pren silsunter anavos quel (tenor cunvegnientscha). > mira punct 8 dil reglament
- A persunas ni gruppas che han caschunau repetidamein reclamaziuns sa l'affittadra refuser il diever.

4 Access e parcadis

- Gl'acces alla casa da scola Grava succeda sur la Via Grava tochen ella halla sutterrana da parcar. Naven da leu vala in scamond da carrar tochen alla casa da scola.
- Igl ein da duvrar ils parcadis publics dalla vischnaunca da Laax ella halla da parcar Grava ch'eiin suttamess a taxas.
- El sector giuadora dalla casa da scola ein negins parcadis a disposiziun.

5 Program da localitads

Las suandontas localitads ein a disposiziun e san vegnir reservadas:

• Aula:

Liug: 1. alzada sura
 Grondezia: 220m²
 Cuschina: Cuschina da foyer
 Per diever: Retschas per teater max. 250 pers.
 Retschas per ustria max. 210 Pers.
 Object da diever: vit
 Inventari: 300 sutgas, 50 measas, beamer, tenda da projectar, illuminaziun, implont d'audio.
 Endrizzament/
 infrastruttura: [plan annexau](#)

• Cuschina da foyer:

Liug: 1. alzada sura
 Grondezia: 18 m²
 Gener: Cuschina pintga, cun vischala per 80 persunas, maschina da lavar giu d'ustria.

• Local „meisa da miezdi“:

Liug: 1. alzada sura
 Grondezia: 45m²
 Endrizzament: mobigliada cun measas e sutgas.

Regulativ d'utilisaziun ed uorden da taxas Scola Grava | aula cun locals annexs

• Cuschina dalla scola:

Liug: 1. alzada sura
 Grondezia: 145m²
 Gener: cuschina dalla „scola da cuschinar“.
 Special: Da fittar mo las fins d'jamna.

- Reservaziuns parallelas dallas differentas localitads ein da tolerar.

6 Uras serradas:

- Circumstanziass specialas san caschunar ch'ins sto serrar ordeifer gl'urari ordinari parts dils stabiliments. En tals cass vegnan las persunas responsablas informadas.
- Duront las uras fixadas dil program da reservaziun ein tuttas localitads a disposiziun. Duront las uras restontas ein ellas a disposiziun al diever primar.

7 General

- Il diever dil stabiliment ei lubius sulettamein pils intents che la proprietaria ha fixau ed includa l'utilisaziun dils imponts interns cun cuschinas, tualettas, gardarobas, garnituras da measas e sutgas, infrastruttura tecnica sco beamer ed implont d'audio.
- Fimar ei scumandau strictamein sigl entir areal dalla casa da scola.
- Funcziunar e duvrar fiugs artificialis endadens e giuadora ei strictamein scumandau. Il scamond vala per tuts objects pirotecnics senza excepziun, inclus zulprins bengals.
- Construcziuns provisoricas ulteriuras (tendas, suostas eav.) astgan vegnir montai sulettamein cun lubientscha dall'administraziun.
- Meisas e sutgas digl intern dil baghetg astg'ins buca duvrar giuadora.
- Installar decoraziuns ei lubiu sulettamein risguardond las disposiziuns dalla polizia da fiug ed en cunvegnientscha cull'administraziun. Allontanar las decoraziuns ei caussa dils fittaders ed ei astga restar anavos nuot ch'ins ha duvrau per fixar quellas.

8 Surdada, schubergiar e retuorn digl object

- La surdada dalla clav per las localitads fittadas ei caussa dil pedel dalla casa da scola, durant las uras da lavur usitadas ni en cunvegnyentscha sur in deposit ella scaffa da clav.
- Surdada e restituziun digl object succedan tenor basegn (mira punct 3) ed tenor cunvegnyentscha cul pedel dalla casa da scola. A tuttas surdadas digl object fittau ston las persunas responsablas esser presentas.
- Suenten occurrenzas cun intents buca-ideal ni indirect ideals tenor GU 3 + 4, sco era suenter occurrenzas cun consumaziun fa il pedel dalla casa da scola la schubergiada finala. Quella vegn facturada culla pauschala conform al catalog da taxas.
- Suenten l'utilisaziun ein l'aula e las localitads annexas da schar anavos en stan irreproschabel. La schubergiada (buna ed endretga/"besenrein") e la dismessa conforma alla lescha dil rumien ei caussa dils utilisaders/fittaders.
- Las cuschinas e gl'inventari ein da schar anavos schubergiai e mess en uorden.
- Donns eventuals ston vegnir annunziati immediatamein al pedel dalla casa da scola.

9 Responsablads ed obligaziun da diligenza

- Gl'utilisader/fittader ei da principi responsabels per tuts donns vid las localitads ch'el ha surpriu inclus installaziuns, apparats e mobigliar.
- La proprietaria refusa scadina responsabladad per donns da material e persunas ch'ei buca reglai conform alla lescha.
- Donns vegnan facturati tenor il principi dil caschunader.
- Tuts utilisaders s'obligheschan da respectar quest regulativ d'utilisaziun sco era da duvrar gl'object fittau cul quita commensurau.

10 Disturbis dil ruaus

- La lescha da ruaus ed uorden public ed uras d'avertura dallas stizuns dalla vischnaunca da Laax ([Lescha da polizia](#)) sto vegnir respectada.
- Attenziun speciala pretenda artechel 7 General, alinea 1, davart il ruaus nocturn.
- Naven dallas 22:00 vala sigl entir areal exterior strictamein il ruaus nocturn.
- Persunas che disturban uorden e ruaus sin terren public ni terren privat accessibel generalmein, en special il ruaus nocturn, san vegnir castigadas,

tenor artechel 8, alinea 1, cun ina multa tenor il catalog da castitgs.

11 Perder clav

- Clav ni chips da clav ch'ei i a piarder ni buca pli vegni returnai vegnan facturadas al fittader.

12 Administraziun

Spurtegl d'informaziun Laax
c/o Vischnaunca Laax

Via Principala 60c, 7031 Laax

Telefon: +41 81 927 77 40

E-mail: reservaziuns@laax-gr.ch

13 Survetsch da pedel

- Vegn menziunau ella conferma dalla reservaziun.

14 Taxas d'utilidaziun

- Ellas taxas d'utilisaziun ein inclus il manteniment sco era il diever d'aua e current electric.
- Las taxas d'utilisaziun tenor il catalog da taxas ein da pagar enteifer 30 dis suenter ch'il quen ei arrivaus.
- Donns eventuals sco era lavurs supplementaras per schubergiar eav. vegnan facturati supplementarmein.

15 Annullaziun

El cass d'ina annullaziun valan las suandontas disposiziuns:

- El cass d'ina annullaziun enteifer pli pauc che 2 meins tochen il datum dalla reservaziun vegn facturada la mesadad dalla taxa d'utilisaziun.
- El cass d'ina annullaziun enteifer pli pauc che 2 jamnas tochen il datum dalla reservaziun vegn facturada l'entira taxa d'utilisaziun.

Determinaziun finala

- Midadas, oravontut augments da taxas ni ina versiun cumpletta mein nova da quest regulativ, restan resalvadas e san succeder da tut temps senza preannunzia.

Approbau dalla suprastanza communal il 10 da fevrer 2026.

Entra en vigur il 1. da mars 2026.

Suprastanza communal Laax

Il president:



Franz Gschwend

La menadra baghegiar ed infrastruttura:
commembra dil directori



Simona Camathias

Taxas d'utilisaziun (catalog da taxas)

Las taxas per mintga local ed ils cuosts correspundents da schubergiar ein indicai ella gliesta che suonda.

Gruppas d'utilisaziun (GU)

	0*	1*			2*			3*		4**	
	Consorti da scola LFSS	Uniuns, fundaziuns ed instituziuns che han lur sedia ella vischnaunca da Laax e che drovan las localitads ed ils cundrezs <u>per intents ideals*</u> ; sco era tuttas corporaziuns dalla proprietaria.			Privats indigens, hotellaria e gastronomia sco era fatschentas cun sedia ella vischnaunca da Laax, possessurs da habitaziuns secundaras da Laax e condominis ella vischnaunca da Laax che drovan las localitads <u>per intents ideals*</u> .			Persunas privatas d'ordeifer la vischnaunca, uniuns, instituziuns, fundaziuns, societads semplas, fatschentas singulas, gastronomia e hotellaria d'ordeifer la vischnaunca, societads commercialas e cooperativas che drovan localitads ed implonts <u>per intents ideals*</u> .		Utilisaziuns commercialas publicas da tut gener che pretendan ina lubientscha anticipada dalla suprastanza communal e che han <u>negins intents ideals resp. mo indirects**</u> e tuts ulteriurs utilisaders buca menziunai sut GU 1 – 3	
	luverdis	ina gada	ina gada	1x jamna (sera) 10x	ina gada	ina gada	1x jamna (sera) 10x	ina gada (mo SO + DU)	ina gada (mo SO + DU)	ina gada (mo SO + DU)	ina gada (mo SO + DU)
		½ di	1 di	toch. 6 h	½ di	1 di	toch. 6 h	½ Tag	1 di	½ di	1 di
Aula	gratuit	gratuit	gratuit	gratuit	300.-	450.-	500.-	400.-	500.-	500.-	600.-
Cuschina Foyer	gratuit	sin dam.	sin dam.	-	sin dam.	sin dam.		sin dam.	sin dam.	sin dam.	sin dam.
Meisa miezdi	gratuit	sin dam.	sin dam.	-	sin dam.	sin dam.		sin dam.	sin dam.	-	-
Cuschina Scola	gratuit	sin dam.	sin dam.	-	sin dam.	sin dam.		sin dam.	sin dam.	-	-
schubergiada											
tenor pt. 8 dil regulativ, 250.- per reservaziun; culla cundiziun retuorn bien ed endretg („besenrein“)											
Aula	gratuit	gratuit	gratuit	gratuit	gratuit	gratuit	gratuit	250.-	250.-	250.-	250.-
tut ils prezis en CHF											